



**KEMENTERIAN  
PERPADUAN NEGARA**

**KENYATAAN MEDIA**

**PENGOPERASIAN KELAS TASKA GENIUS PERPADUAN DI SELURUH  
NEGARA DALAM TEMPOH PERINTAH KAWALAN PERGERAKAN MULAI  
22 FEBRUARI 2021**

---

Putrajaya, 19 Februari 2021 – Selaras dengan sidang media Perintah Kawalan Pergerakan (PKP/PKPB/PKPP) oleh YB Dato' Sri Ismail Sabri Bin Yaakob, Menteri Kanan Pertahanan pada 16 Februari 2021, Kementerian Perpaduan Negara telah memutuskan pengoperasian Taska Genius Perpaduan adalah seperti berikut:

- a. Taska Genius Perpaduan di Negeri PKPB dan PKPP adalah beroperasi bermula hari Isnin, 22 Februari 2021.
  - b. Taska Genius Perpaduan di Negeri PKP masih tidak akan beroperasi secara fizikal sehingga tempoh PKP berakhir. Sepanjang tempoh tersebut, para pendidik akan terus melaksanakan Pengajaran dan Pembelajaran di Rumah (PdPR) mengikut kesesuaian pendidik dan kanak-kanak.
2. KPN akan memastikan pengoperasian ke atas semua Taska Genius Perpaduan ini adalah tertakluk kepada pematuhan Garis Panduan Pencegahan Penularan Covid-19 Pasca Perintah Kawalan Pergerakan Bagi Keselamatan Warga Taman Asuhan Kanak-Kanak (TASKA), Panduan Pembukaan Taska Genius Perpaduan dan Garis Panduan Kementerian Kesihatan Malaysia serta Garis Panduan Majlis Keselamatan Negara.

3. YB Datuk Halimah Mohamed Sadique, Menteri Perpaduan Negara, mengingatkan semua pendidik agar sentiasa memastikan anak-anak di Taska Genius Perpaduan menjaga kebersihan diri, memakai pelitup muka, menjaga penjarakan fizikal. Ibu bapa dan penjaga yang menghantar anak-anak mereka ke Taska Genius Perpaduan juga perlu mematuhi protokol kesihatan dan SOP yang telah ditetapkan oleh MKN dan KKM serta arahan Kerajaan Negeri yang berkaitan sepanjang tempoh operasi ini.

## **Kementerian Perpaduan Negara**

19 Februari 2021

-TAMAT-

### ***Mengenai Kementerian Perpaduan Negara:***

Kementerian Perpaduan Negara ditubuhkan pada 10 Mac 2020 di bawah kepimpinan Kerajaan Perikatan Nasional. Fungsi utama Kementerian Perpaduan Negara adalah untuk memacu agenda perpaduan nasional bagi memastikan kesejahteraan dan keharmonian rakyat Malaysia.

#### **Pertanyaan media:**

Unit Komunikasi Korporat, Kementerian Perpaduan Negara

Tel: +603 8091 8041      Fax: +603 8888 8568 / 569

E-mail: [pro@perpaduan.gov.my](mailto:pro@perpaduan.gov.my)

No rujukan: KPN.UKK.1009/1/8 (53)